




職方典第二百四十一卷

兗州府部彙考三十三

兗州府古蹟考三

府志未詳
古蹟上

滋陽縣志

帝堯東巡遺址史記堯歲二月東巡狩至于岱宗柴望秩于山川遂見東方君長駐蹕于此後人因建祠祀之唐李白宋范仲淹俱有題詠歐陽修亦有碑記今其祠既廢止餘故址云

舜泉在城北三里卽負瑕泉史記稱舜就時于負夏孟子言遷于負夏卽負瑕也泗水志云諸馮在費縣去泗水十里負夏卽兗州之瑕丘蓋謂此也 陋巷在縣前路小巷湫隘前有勒

石卽顏子簞食瓢飲處嘗對孔子曰回有郭內之田五十畝足以爲線麻者卽此地北首建兗國復聖公廟卽其廟爲滋陽學永樂己丑上遣禮部員外郎饒暉等來兗特祀表其里居存有御祭碑文 顏子郭外田在縣治南八里南砂堆社舊名陋地按家語顏子稱郭外之田五

十畝足以給饘粥者卽此地向建有兗國復聖公廟久廢順治十一年滋陽縣知縣宋文運輸

俸鼎建前殿五楹後殿三楹刷貌復新

兗州故城東漢兗州治昌邑隋兗州治瑕丘今既

別有嶷陽廢城則此城疑爲隋後變遷者城東北五里草橋口西俗名古城

魯東門在兗

城以東唐李白詩曰水作蒼龍盤石堤桃花夾岸魯門西卽今金口堰非祀爰居之所也魯治雖在曲阜謫仙之詠則在兗城曲阜東門無水泗之濊迴瀾漫于兗者歷世如昨矧桃紅夾岸泗堤至今猶盛此蹟在兗通志郡志皆同

沙丘城東二里黑風口西秦始皇東巡封泰山

登嶧山之巔立碑頌德乃至闕里發孔子墓旣啟見冢壁上刊文云秦始皇何強梁開吾戶據吾牀飲吾漿唾吾堂前至沙丘當滅亡七月至此見童子聚沙爲丘果病篤丙寅始皇崩至今地名沙堆社

婁公莊在縣南三十里漢建信侯婁敬之居其先世居于齊至敬始遷居于

邑之西遂號其地爲婁公莊近置有婁莊集

煙古堆在城西三里演武廳之南晉郗鑒金

鄉人爲兗州府刺史時荀藩用李述劉琨用兄子演並兗州各屯一郡以力相傾又徐龜石勒日尋干戈百姓饑饉或掘鼠羅燕而食終無叛者鑒築此以望氛侵

韋園在縣治東百餘

步漢丞相韋賢爲瑕丘江公弟子受詩于江公因築園斯地以便就傳子元成以明經至丞相

增修益盛名曰韋園至明洪武年始建關聖帝祠于內至今猶稱韋園關帝廟 兩疏故里

在縣北四十里漢太子太傅疏廣兄子疏受爲太子少傅流居于邑之北高吳里今有東疏村

西疏村乃兩疏之分墮 獄雲樓卽兗州南城樓唐杜甫省親登樓賦詩後因爲少陵臺明

在滋陽王府內清縣尹趙惠茅鏹像於上建亭其下爲兗州之勝槩云 南池杜子美泛舟

之地登眺之餘繼而鼓枻亦賢跡之所至也 顧王城顧王者柳下惠之弟展雄孟子所稱

盜蹠者在邑西三十里築城自衛能周給鄰里土人感之號曰顧王 舞雲臺在城東沂河

南卽曾點所謂風乎舞雩者 桃園係魯府種植幾二十里郡人以爲美觀 金雞臺在

城外東北隅有石擊之如鷄鳴聲 寶器庫在縣治三十五里孟家莊西一里許有土墳起

凡人家有事用器皿者備香紙至其所祝禱用器若干轉時如數設列於外用過送還後有人

騙用不還今遂廢此嘉靖年事備此以廣異聞 郭家潭在縣治西十八里先有大龍不知

起於何時曾有水手入潭行至數里見有山根于水盡處有一大龍兩眼如燈頸長一二尺綠

毛其人遂迴有汶上檀芳邃者爲江西令詣拜張天師至門有一人著青衣守門問以言默然

見天師言其故天師曰彼乃先生鄉里郭家潭大龍也亦廣異聞

鍾離意得素書處在縣

治西北六十里滕村店東頭舊有木坊一座今廢

宋祝家寨在縣西北三十五里相傳宋

江三打祝家寨卽此地

大王營在縣西北四十里係宋都汴時運糧漕河有大王廟併石

闢遺跡

曲阜縣志

無字碑在縣東北八里少昊陵前五大碑二碑高二十有三丈闊半之厚四尺最最高十有三尺闊如之厚四尺龜趺上有八尺三碑高二十有四尺闊半之厚四尺最最高十有八尺闊十有六尺厚四尺龜趺十有九尺無字碑昔賢過此有詩云豐碑不書字遺恨宣和年書宋末金兵至未完也又曰金人冒祖少昊金天氏故爲此碑元兵至不果成未詳是孰護印石在

縣東北八里少昊陵前稱印石者言其形也歲久土壅嘉靖末水汜始見其文曰通判大理評事麻溫其知兗州監察御史王臻奉勅同監修兗州仙源縣景靈宮太極觀于大中祥符五年三月一日奉文聖祖天尊大帝玉石聖像內侍省內侍殿頭楊入內侍省西頭供奉官盧宗道

入內侍省東頭供奉官郝昭信

孔子春秋臺在曲阜縣南十里

魯親里聖母顏氏之

所居也

安樂里聖配并官氏之所居也漢永壽二年魯相韓叔節以聖族之親禮所宜異

復其邑中田有碑記惜歷年久遠二里之名雖存而其地不可考矣

夫子甕漢鍾離意爲

魯相出私錢萬三千付戶曹孔詵修夫子車身入廟拭几席劍履時有男子張伯除堂下草中得玉璧七枚伯懷其一以六枚白意意令主簿安置几前其堂下牀首有懸甕意召詵問答曰夫子甕也皆有丹書人莫敢發意曰夫子所以遺甕欲以垂示後人因發之得素書文曰後世修吾書董仲舒護吾車拭吾履發吾筭會稽鍾離意璧有七張伯懷其一意卽召問伯果服焉孔子石硯在夫子故宅廟屋三間牀前有石硯一枚制甚古朴蓋夫子平生時物也 上東

門魯東城左傳公斂處父從人救陽虎之亂卽此

義門在曲阜縣舊魯城建春門內宋大

中祥符元年眞宗東封廻兗州以周公後東野紆累世義居詔旌表其門今址不存

白兔

溝在先聖墓北有虛墓五間皆石爲之秦始皇發冢有白兔出于中始皇逐之至曲阜西八里溝而沒魯人因名其溝曰白兔 石壇昔先聖沒弟子于冢前甕爲壇方六尺至後漢永

壽元年魯相韓叔節始易之以石方三尺厚如之縱橫各七其數四十有九四面皆歷代題名
歲久湮沒字不可讀 石龜在子思墓前二龜徑三尺五寸前漢居攝元年二月造有曰谷

府鄉者有曰祝其鄉者字甚古拙餘字剝落

洙泗書院在縣東北五里舊名先聖學堂貢

泗抱洙夫子自衛反魯刪詩書定禮樂於此有祭酒呂柟碑記

觀亭并在縣東北周敬王

三十六年孔子繫易於此

四留碑在金絲堂後宋王留耕所作學錄孔公璜書字意高古

士人皆珍愛之

吳王城在九仙山巔

陵墓附

伯皮墓在啟聖王墓東南三步許

伯魚墓在至聖墓後東

子思子墓在至聖墓南

杞國公墓在顏子墓北數步許

顏子墓在縣東三十里石刻曰先師兗國公之墓前一石

鐫兩甲士背負而坐一執斧一執金吾

宰我墓在縣東南八里許

吳王墓在縣北三

十里

顏之推墓在縣東五里大道北曰侍郎林

孔仁玉墓在至聖林內稱中興祖

孔克堅墓在至聖林內國子祭酒

孔公珣墓在至聖林內詹事府少詹事

孟麟墓在

縣西十五里陝西右布政

寧陽縣

古城在縣南十五里春秋時魯大夫采邑今爲泗莊社

土城在縣東北十八里今名石碣

社 半城在縣東十里今爲泗莊社

崦上在縣北十里亦梁王黠軍臺龍魚泉北亦有

崦上

磁窰在故城社有廢窰百餘座側穿天井深八丈餘

魏家寨在城東五十里其

上高峻有石洞可容數百人元季人多避兵于此

虎埠在馬山相傳虎育于此故名

紅石埠在縣東北八十里出紅石

三埠在縣東二十五里

雪埠在縣北二十里有張

果老廟俗名張果老山相傳果老騎白驢至山墮遺鈴鐺今山谷間有小石如拳中空含小砂
搖之有聲土人呼爲鈴鐺石 落星石在城東北四十五里兩石南北相去五里世傳爲隕

星 魯義貼退齊兵處在縣東七十里義社爵山迤西

兩疎故里在縣西鄉東東西東

二村按廣輿記兩疎蘭陵人也子孫因避王莽之亂去疋而改姓爲東東暫其後也或者當日
流寓于此乎滋陽高吳橋亦相傳爲兩疎故里 周倉故里在縣西三十里黃茂村有土歸

然土人相傳爲周倉墓舊有廟今圯

孝子石碣在縣東二十里石碣社相傳有孝子廬墓

立碣于此社故取名焉今碣雖存而字剝落不可識

陽冰真蹟在縣治儀門左大曆五年

爲龔令庾公頌也昔人有詩贊之曰鸞翔鳳翥形將動龍繞蛇纏勢欲飛多爲好古者所賞

陵墓附

晉劉伶墓在縣東北四十里相傳劉伶荷鍤醉死葬此嶧縣亦有墓前人詩云一代高風野水

邊伯倫遺塚尙依然千秋誰爲澆墳土悔不當初葬酒泉恐此誤

南北朝宋太子中舍韓

鐸并子純墓在縣東里許碑殘僅存翁仲諸石近被土人取土墓毀幾露棺邑人周仔世過見

遂買墓側李允登地三分捐工修築如故

元九女墓和成妻孫氏女九人立石在雲山前

明文淵閣大學士許彬墓在縣東二里杏岡成化中勅造大學士劉翊爲銘

潼關兵備吳

孟祺墓在縣西五里東河村

陝西參議張韓訓墓在縣東二十五里湖西

陝西副使

張雲登墓在縣東二十五里萬石山

刑部尙書吳崇禮墓在縣北二十里雪埠前明天啟

年勅建祭葬有加禮部尙書孟時芳爲銘

陝西布政使司右布政使寧之鳳墓在縣東四

十里萬石社

鄒縣志

嶧陽孤桐在嶧山孤桐觀前有小桐繁枝相傳爲禹時孤桐已枯今從枯根發生者初桐曾發橫枝綠葉婆娑中丞萬含臺于對面大石書嶧陽枯桐四字有老道士歎曰老桐不欲留名不久將去矣遂成枯落 故南平陽城在城西三十里後漢書以南平陽益東平國章懷太子註南平陽城兗州鄒縣是也今其地猶有平陽橋平陽寺平陽店俗呼爲陶城 書洞在嶧

山仰止亭迤東相傳孔子讀書于此故名

八卦石嶧山五華峯下相傳爲遠塵子飛昇處

書門秦始皇巡遊登嶧山勒石其上頌功德命曰書門李斯篆之後爲野火燒裂或篆其文刻于棗木唐杜甫詩云嶧山之碑野火焚棗木傳刻記失真宋歐陽修云今俗傳嶧山碑史記不載其字跡大不類泰山存者其棗木傳刻耳後宋元祐八年鄒令張文仲于北海王君向獲李斯小篆刻諸廳之嶧陰堂迨至元二十有九年縣令宋德夏津人也嘆是碑殘缺恐致泯絕迺命工礱石摹刻于其側說郭云嶧山實無此碑乃南唐徐鉉所摹刻於長安者 暴書臺在

南門子思書院有臺高丈許元縣令司居敬鐫字其上世稱爲孟子暴書臺 子思作中庸

處在南門外孟子故宅旁至今尙存石碑題云子思作中庸處 斷機堂在南門外子思書

院右相傳卽孟子故居也今因利橋傍尙存石碑上載孟母斷機處 顧子山在縣南距城

二十餘里朱莊村地方坐落黃山莊俗傳李世民被困此處李淵領兵屯此山顧盼其子遂名

焉今山頂上有平石大畝餘上字數百大如碗年久點畫不真不能盡辨 康王橋在縣南

距城三十里朱莊社有小橋今僅存石數塊世傳晉朝康王幸嶧山道過此地築此橋遂名焉

墳墓附

雙王墓在縣城西南五十里黃山迤北有古墓二塚周圍大二畝高二丈世傳名曰雙王孤堆

或曰伏羲帝后之墓 南宮遁墓在城西十里至今祀之 公孫丑墓在城西北十里至

今祀之 萬章墓在城南十里有萬村成化十八年知縣張泰立碑至今祀之 匡衡墓

在城東二十里 姜太公妻馬氏墓在城西南六十五里南薄梁村迤南三里有碑 梁

山伯祝英臺墓在城西六十里吳橋地方有碑記 李之英墓在城西北三里有碑元錦州

同知 節婦祝氏墓在石牆村

烈婦馮氏墓在馮家莊旌表有碑

節婦樊氏墓在

城南石牆村

節婦王氏墓在匡莊村東

節婦歐氏吳氏墓俱在西臯社

節婦鞏

氏墓在歐家莊

節婦惠氏張氏墓在岡山前

節婦趙氏墓在岡山村北

節婦王

氏墓在城京蘭溝村

泗水縣

盧城在縣西南十五里城址尙存建置莫考

梁父城在縣北四里漢置縣尋革卽今故縣

村查府志故梁父城屬靈陽東北九十里其遺址周圍約五六里

舜廟在縣東南七十里

地名歷山

舜井在舜廟前舊傳爲孝順井

娥皇女英臺在舜廟西南載山東通志

雷澤湖其說見前相傳舜漁雷澤處

泗臺在縣東北八里相傳孔子問禮老聃處

曬

書臺在縣東五十里聖公山上相傳曬書于此

尼丘鄉在縣境南泗曲接壤故有是名

陽鄉在縣西春秋時取汶陽田卽此

曲池亭在縣北春秋桓公十二年會杞侯莒子盟于

汶曲池卽此杜預云縣北有曲水亭出山東通志查府志又屬靈陽故汶陽城

陵墓附

鮑王塚在縣東八里

卞莊子墓在縣東北四十二里卽宮娥埠查山東通志在東昌府城

西二十里

達魯花赤泰富墓在縣西南二里

喬元帥墓在縣西北十五里

孟節

度使墓在縣東北三里

劉隱士墓在縣北一里元朝人以道自任有司屢辟不就蘇惟

明誌銘

孝子李克莊墓在縣東北一里

魯府端王墓在縣南二十五里二旂山之陽

山川環抱林木森鬱結局完固道稱佳域

魯府恭王墓在端王墓轉西俱以旂山作枕而

較爲雄壯規模寬綽峯巒層疊構大觀云

滕縣

煬城在縣西五十里相傳爲隋煬帝駐蹕處

滕城在縣西南十五里城周圍十二里內有

子城齊乘云古滕國秦縣之漢初夏侯嬰初爲滕令號滕公因秦舊孝武封魯共王子劉順爲

公丘侯都此因改之故地志以爲公丘城

鞋城縣西南二十里橫僅半里從僂之俗以形

如鞋故名興築無考

湖陵城在城西南七十五里通志云在魚臺縣東六十里漢王陵攻

胡陵卽此後爲侯國沛縣志亦載之按其城西屬魚臺南屬沛滕僅得其東北一角云 靴

頭城在縣東六十里東江村南俗以其形如靴頭也土人云是王丞相鎮守城殊無據 仙

源城在東南峭村通志云文王第四子所封之國未詳 長城在城東六十里無故址可考

齊記云齊宣王乘山嶺之上築長城東至海西至濟州千餘里以備楚豈卽齊所築也 孤

獨城在杞城東北隅周三里興築無考 藍陵城在東北八十里城前集後城前著藍陵城

之前也土人云是康王城創始無考 碗子城在黃約山後俗傳黃約家也 四嘗邑許

邑詩云居嘗與許按田文號孟嘗君而國子薛城南十里孟嘗集是也許邑當亦不遠詩註云

許許朝宿邑地道記云沛有許邑而引左傳鄭滅許爲証此皆非也蓋鄭所易許田與所滅之

許俱在河南而沛之許邑無乃詩之所謂居嘗與許之許乎詩云遂荒徐宅沛薛相近沛固徐

彝也豈嘗在薛而許在沛耶 永興縣按北魏置蕃郡轄蕃城永福永興三縣今臨城西有

永興社永興村逼近臨城豈臨城卽永興也永福無考按茱萸山後有故縣集而不知其名豈

永福耶 陶陽鎮在陶山金置今廢 白馬關在東西蓮青山之間今廢 黃草關在

水北社俗傳楊廣妹夫孫光普屯兵所大抵皆宋金時置也

文公里卽滕城舊呼爲文公

里 故縣鄉卽西土城也

如市鄉在城東北見學田記不知其義蓋元時有此鄉名

甌塵鄉在陶山唐時名也按范丹傳後漢黨禁丹逃命梁沛之間所止單陋有時絕粒閭里歌之曰甌中生塵范史雲唐時此地屬徐蓋有史雲所居以此稱爲甌塵鄉今廢 五侯家在

城東趙家莊舊傳漢元帝母兄弟之家有天寶十一年斷碑可據按元帝母王莽姑也家元城

一曰五侯皆元城事此當時劉弘封昌慮故地俗誣傳之

上宮孟子之滕館于上宮或曰

今廟是也未詳

回鑾殿二一在城東北三里一在城南六十里臨城俗呼爲皇殿文皇南

幸駐蹕所也

臙脂井舊傳在縣治西南臙脂街今廢

欽井其形欽斜俗呼爲扳例井

土人云漢光武駐此渴欲飲而不得汲井忽欽側如扳倒豈其然乎

高山井在高山下相

傳水與薛河通

桃山井見山川志

舊驛在白丁村原在湖陵城爲水所沒元至正間

改建於此南通臨城北通路橋元大道於此舊云水驛非也

運河故道起梁溪淵東經城

北至湖陵有三閘詳見山川志

翫月樓在東門甕城上今廢

山亭在高山前於菟城

後飛雲臺上俗傳於菟丞相所築山亭之名以此亭廢臺尙存

富春亭在知縣宅內弘治

間馬文盛建

靈臺在滕城東北隅臺下有靈沼滕公效文王築之者

風花臺在伯塚

村未詳其義殆亦前人遊樂地也

觀音臺在薛山

曬書臺見曾子山

飛雲臺見

山亭

斬蛟臺在東南趙家莊斬龍臺在西江村俗傳皆是周處寓滕時蛟龍作水患周處

斬之其患始息按周處宜興人何得來此嶧志亦有周處跡大抵皆妄云

王陵臺在縣東

南五里通志云王陵所築

鬪鷄臺在黃約山東南季郈鬪鷄季氏介其羽郈氏金距在曲

阜此非是也按當時以鬪鷄爲尙此或別有鬪鷄之所與

靜樂園在城西南隅元監邦安

侯建

芙蓉池舊官窰地也在城西南隅

白家海在城東五十里善埝社不知所自按

嶧志白侍郎曬書臺在滄浪西山麓下知白家莊與此相近其亦彼游棲地耶然侍郎不知何

代人

墳墓附

商仲虺墓在奚仲墓東俗呼爲灰谷堆虺灰訛也

微子墓在微山沛縣亦有墓然皆非也

按微子墓在歸德府墓前有廟唐賈至爲之碑

鄒王墓在王莊東纓駕道邊

春秋鮑

叔牙墓在城北十里道西鋪名鮑塚以此嘉靖四十四年巡撫鮑象賢令有司立碑以表之豈其苗裔也道東有管子墓東陳寺碑云介於管鮑二塚之間且村名管里以此史記正義云在臨淄南牛山阿當別有據管子相齊臨淄近真然此名管里豈管鮑出賈時曾居此歟抑後人因叔牙墓而衍之歟 公孫杵曰墓在豐山隅有碑字剝蝕不可辨按山西忻州有墓此或不真 田嬰墓皇覽曰在魯國薛城中東南陬 毛焦墓在西南十里 毛遂墓在薛

城北門外

徐駙馬墓在青義村後墓被發掘塚人得誌銘碎之土人猶記是漢明帝駙馬

徐振先墓不可考

三國曹王墓在縣東五十里極大三國志不見封曹王者

南北朝

皇墓在東南二百里泉上村享堂遺址俱在土人云梁武帝也按一統志武帝墓爲修陵在丹陽縣然此近蘭陵或其先族墓也 焦花女墓在東南十八里 長孫逞墓博州別駕以

子浼爲滕尉就養於滕卒葬城東南

徐元振墓勸之裔也按白了村明昌元年碑則以元

振爲遷白了村高祖業農妻宋氏生子仁登慶曆三年進士爲聊城簿明昌四年碑則以元振